

聽雨著

獨唱集

敬呈

知方兄政之

弟國鎮廿九年三月十日
獨立出版社印行

此冊為國璽自著以未敢自信故出版
時用別字署名附此陳明。

聽

雨 著

獨

唱

集

獨立出版

社

邱行

獨唱集

卷一 四言古詩

哀怨

一

五言古詩

鳴感

一

却寄

二

西征有作

二

述懷

三

伏擬

四

擬古謠諺

四

悼亡

四

目錄

步役青月夕小謠詩.....五

春社祭秋姊墓並別草堂.....六

月夜話舊.....六

重九後二日玩月墜泥溝中賦以自嘲.....七

擬古.....七

朝起觀雲海有作.....七

惜別.....八

卷二 七言古詩

雨夜.....九

杜宇.....一〇

過花秋坪絕頂却寄.....一〇

初聞鵲啼.....一一

探驪.....一一

人生.....一二

水災.....一二

卷三 五言律詩

澄北磻東山.....一三

夜坐.....一三

陟小相嶺.....一三

朝發松林.....一四

秋雨草堂奠基.....一四

靜處.....一四

對鏡見白髭十餘莖有感.....一五

自題天上人間錄.....一五

黃昏獨步·····	一五
四十八歲初度有感·····	一五
秋姊百日祭將率兒野奠以詩祝之·····	一六
暮春之望花溪溫舟有作·····	一六
書事·····	一六
懷秋姊·····	一七
無題·····	一七
爲中秋泛舟而作·····	一七
卷四 七言律詩	
有贈·····	一八
自題獨唱集後·····	一八
蜉蝣·····	一九

山溪對月 一九

亡室月秋週年奠於墓上 一九

四十九歲初度有感 一九

五十初度 二〇

卷五 五言絕詩

過麀子崗 二一

初夏夜中不寐偶起口占二十字 二一

夢二首 二一

連宵風雨春意闌珊口占一截句 二一

紅豆 二二

壽曙萍兄 二二

獨飲 二二

幽棲.....一二二

擬古四首.....一三三

有感.....一三三

感懷.....一三三

卷六 七言絕詩

懷鄉.....一二四

溯洄.....一二四

斧柯.....一二四

月夜聽泉.....一二四

山中.....一二五

月夜花灘溪泛舟三首.....一二五

無題.....一二五

國難兩周年	二五
休沐日聞塋兒回碣悵然思歸賦四絕句	二六
春夜聽雨	二六
無題	二六
休沐日偶作	二六
獨眺	二七
幻思	二七
感懷五首	二七
唐家沱江干口占書於沙上	二八
雨夜二首	二八
荷池賞月	二八
無題	二八

心緒·····	二八
病榻四首·····	二九
謝諸友約留中秋前夕泛舟·····	二九
江景遙望·····	二九
生涯·····	二九
花溪雜詠三首·····	三〇
右都一百首·····	三〇
後記一首·····	三一

卷一

四言古詩 一首

哀怨 三十一年春 溫泉別業

恨無雙翼。不能奮飛。借欲冲舉。雖烏何依。

五言古詩 十四首

書感 二十七年秋 北碚山居

國勢累卵危。行行將何之。入山且避寇。至於江之湄。巴蜀所會歷。道較今爲夷。民風或不變。譬如染色絲。世亂情益薄。人各私其私。同屬饑驅客。寧復忍相欺。思欲拯已溺。愧無雨露施。明公在臺省。朗朗若春曦。書生徒抱負。伊誰能相知。閉門謝車跡。吾寧守

吾雌。

却寄 二十八年春 雅安旅邸

永夜不能寐。每憶脆弱肢。噩夢時驚覺。心苦未忍思。同命念五載。常作百年期。相依爲性命。况居亂離時。今茲遠行役。如鳥離故枝。雖作強顏笑。辛酸又誰知。除夕復元旦。寄情聊賦詩。

西征有作 二十八年春 川康道中

策杖去印筵。何如故鄉樂。往返四千里。客遊未盡惡。時登積雪山。時入潛蛟壑。所遇非我儔。似亦重然諾。昔日居井中。今見天宇廓。讀書將何爲。霖雨顯才略。不必貴膏粱。不必賤藜藿。所願泯鴻溝。由茲通媒妁。法彼周穆王。化夷爲猿鶴。更效漢相如。進彼父老母。烏雲散且消。舉首見虛靈。庶幾行役人。胸臆無垠壑。浩然言東歸。道途益寬綽。洗盡謝羅公。吾輩欣有託。

述懷 二十八年夏 南泉草舍

我生不逢辰。半世多酸辛。弱冠卽好弄。自謂山野民。先爲百家語。後問佛老津。孔孟固所習。宋儒亦曾循。初無篤嗜學。腹笥常著貧。西說既東漸。思欲振九垓。大同期郅治。新邇日敷陳。觸諱投狂狷。危難駭士紳。謝客走冀北。交友味如醇。議論恣心發。是非爭斷斷。時逢盛暑假。千里省吾親。不幸椿遽逝。又復安其窀。未幾再北旋。國是益紛綸。五四之前夕。動作驚紫宸。張牙欲伺隙。左右咸鷹瞵。驅車歸白下。旋溯皖江濱。講學抒懷抱。及門多殊珍。國師渡漢水。吾亦耕有莘。徘徊風雪際。間爲抱膝呻。南都旣底定。安素着幅巾。卜宅綠楊側。絳帳無纖塵。蓉城忽見聘。司鐸來成均。蜀中奇山水。三載往來頻。已而歸故里。于役沛城閭。政事慚先哲。尸位及三春。蘆溝起烽火。頑惡唯東鄰。書生策杖起。異己輒相瞋。拂袖從此逝。復來巴蜀畛。比遊邛笮返。簪筆暫依仁。俯仰天地窄。自視若青蘋。晨夕將誰共。緬懷素心人。徙倚在山澤。每念故鄉薌。何日世喧息。

吾將守吾真。

伏櫪 二十八年夏 南泉草舍

伏櫪幾二載。千里未可期。壯士已遲暮。衷心能不悲。所冀遇明時。得展深鎖眉。興言扶世運。愧無鸞鳳姿。但願持筇杖。靜觀雨露施。君不見李耳出闕莊周隱。自古賢者常守雌。

擬古謠諺 二十八年秋 南泉草舍

古人尚氣節。今人重黃金。氣節能勵志。黃金易驕淫。將今來比古。古人足可欽。

悼亡 三十年元旦 北碚秋雨草堂

憶昔初結褵。君顏正如玉。婉順若雛鶯。光艷勝春旭。同棲未四年。倡論投犴獄。君心大憂煎。思以百身贖。迨作北平遊。代我爲家督。米鹽賴操持。生事每不足。勉承堂上歡。

侍疾忘蒸滯。留曉六載間。一度聯遊躅。平日偶分飛。每賦相思曲。音書託鯉魚。芳心寄黃鶴。叔姑各已婚。相攜來西蜀。同過北碚墟。嘗作溫泉浴。厥后攜邛江。築室多繁縟。舍學入仕途。尤知自檢束。戰雲起海東。奉姑孝益篤。蘇鄂達巴淪。風塵感僕僕。我作西昌行。勞君又遠矚。去年殯嗣姑。已遭大楚毒。抗戰旣三秋。朝夕念世局。以此摧心肝。竟致年命促。子女失所依。高堂淚相續。况我入空房。撫物多感觸。昔我冬無巾。君爲製絨襖。夏日欲易裳。君爲檢新襲。處事與處人。君以義相易。公務得餘閒。輒爲釀佳釀。凡百體吾心。奚止功足錄。嗟嗟復嗟嗟。失此如椽燭。寒風碎春紅。嚴霜凋夏綠。從此永別離。蒼天抑何酷。

步襲青月夕小讌韵

三十年春 小溫泉花溪別業

流亡若楚囚。竊笑鳥爭啄。守分送景光。山崖閑躑躅。覩茲春花紅。私意仰喬木。羨君有良朋。把酒訴衷曲。世態本無恆。人情多反覆。繁華錦繡中。吾且凝眩目。况若雪近爐。

逝比閃電速。徒增智者非。何如存真璞。讌樂共素心。遠勝守茆屋。遙念對青暉。月色皎於旭。

春社祭秋姊墓並別草堂

三十年春 北碚秋雨草堂

翺翔雙燕子。托足向高堂。一旦離巢去。幽明各異方。雄飛失故侶。水畔妬鴛鴦。寂寂盤旋久。徒歌泣鳳凰。攜雛投南溟。舊誼未忍忘。永夜恆不寐。徘徊獨繞梁。時蔬屢欲薦。道阻末由嘗。際此春社日。焚椒拜墓旁。回思築室意。旨在共徜徉。載半同棲樂。於焉竟分張。從茲辭邸宅。展翼向窮荒。粉黛任零落。吾心長淒涼。

月夜話舊

三十年夏 小溫泉別業

弦月挂長空。浮雲蔽蒼莽。叢樹立山巔。隨風爲俯仰。三五星在東。鵲鳴添遐想。各抒素所懷。同悲落世網。空谷少足音。低語聲偏響。放論亘古今。心臆爲之爽。久立寒氣生。小別意惘惘。

重九後二日玩月墜泥溝中賦以自嘲 三十年秋 小溫泉花溪別業

舉首未見月。光自竹罇來。倚杖觀天宇。遐思超九垓。緩步且仰視。不意足吻苔。墜溝身微側。半坐若嬰孩。手衣兩沾濕。泥垢甚塵埃。自嘆多時晦。已蟄若冬雷。孰知素娥影。亦復禁瞻徊。吾將何所適。方能免損災。登高遵舊俗。會上宣義台。距今方二日。云胡玉山墮。豈無茱萸佩。殊覺費疑猜。悵悵返齋室。心如積百哀。整衾難入寐。依枕笑樗材。

擬古 三十年夏 小溫泉

屋梁爲風折。燕子將何依。况有雙雛鳥。兩翼少豐翬。際茲覓巢日。風雨蔽晴暉。啁啾鳴聲切。翩翾各自飛。托足無枝寄。相違復安歸。

朝起觀雲海有作 三十年秋 白沙旅邸

日出東海東。光芒激灑中。樓台時隱現。雲氣鬱葱龍。三五瓜瓞甍。往來近沙洲。灘聲盈

耳響。鷗鷺任遨遊。忽然霧增損。一若月籠紗。愈添斌媚趣。映照勝朝霞。此中有仙子。
綽約多學姿。神靈爲住宅。雲雨正及時。自惟凡俗甚。瞻望弗敢親。胡麻雖云熟。晨肇豈
無人。欽容致崇敬。退誦五千言。庶幾聞大道。得廁松鶴間。

惜別 三十一年春 小溫泉寓廬

死別慘生離。生離甚死別。感變幻之無常。能不令我心悵。

卷二

七言古詩 七首

雨夜 二十八年夏 南泉草舍

夜色初從山曲吐。階前蟋蟀歌如數。青蛙默爾豈心甘。亦伏池中桴大鼓。意若有何不平鳴。聲振蘋葉隨波舞。丈人俯視爲潸潸。仰首長嘯震天宇。世事由來少是非。泰山寧復異鴻羽。老聃有道道不行。立言五千誰聽取。仲尼浮海亦徒然。身且未能容於魯。史遷義氣拯少卿。觸怒武帝刑以腐。太白豪邁一詩人。長流夜郎爲囚虜。柳州鬱鬱終柳州。昌黎蕭然亦環堵。姑舍文士論功臣。烏盡弓藏皆英主。漢高殺戮已如麻。繼之更有明洪武。長才見棄滔滔是。幾見三顧相水乳。試求往事盡縹緲。後視今猶今視古。嗚乎長江滾滾晝夜流。日入爲昏中爲午。蛙鳴蛩吟皆自勞。天地缺陷誰與補。人生壽命無百年。終將化爲塵。

與土。何如任情且放歌。捲簾靜聽花灘雨。

杜宇 二十八年夏 南泉草舍

辟雍初聞杜宇聲。松林閒步共友生。倏忽已將四十日。不意雨後又悲鳴。鳴聲何急意何厚。似促羈旅登歸程。往者聞之心怒放。此際不悉若爲情。江山半壁爲虜有。親朋離別如流鶯。寇氛猶劇患未已。又復飛襲來新京。屍焚人碎鬼夜哭。暴敵面目何猙獰。國人經此益自奮。滔滔皆欲爲干城。壯士磨劍投軍去。婦孺裹糧紛請纓。懦夫挺身且怒髮。誓逐倭寇歸東瀛。智者更皆爲國用。奮臂咸欲清八紘。唯有斑叟伏牖下。屏息靜處若鼷黠。吁嗟乎匈奴未滅家旣毀。商不得市農不耕。子規勸歸歸何往。令我心摧百感縈。自審樗櫟不足顧。坐看長鋏鳴鐔鐙。

過花秋坪絕頂却寄 二十九年夏 渝筑道中

九折之坂。古稱難行。我今身歷七十二折高峻之大道。雖異於疇昔。亦自令人心膽驚。上

有仰首不能見天之叢莽。下有不測深淵之硤砮。四境寂寂。不聞人聲。極目前望。惟見無垠之旅程。萬里之行從此始。放懷大地間。安能復懷遊子情。靜待三秋黃花初綻日。會須與君痛飲三百觥。

初聞鵲啼 三十年春 小溫泉花滌別業

芭蕉已綠櫻猶黃。清波漣漪流且長。我所思兮在遠道。銀漢間阻渡無航。杜宇聲急似相識。安得雙翼共翱翔。

探驪 三十年夏 小溫泉別業

欲探驪龍項下珠。應先投身作海浴。戀此薄俸復何爲。不如坐擁青氍毹。一旦寇賊咸肅清。歸種田園亦自足。重貴本來於我如浮雲。况在家破人亡誰能贖。從此願作世外民。漁樵閒話送殘燭。志同道合儘有人。願與共射黃山鵠。

人生 三十年秋 小溫泉別業

人生百歲行將半。坐看星移與物換。雖云世事少縈懷。綺障未滅心猶爛。夜起賞月見三星。七夕纔過念雲漢。如此生涯自淒然。漫漫長夜何時旦。客館羈棲病相如。不如太白夜郎竄。平居自視不敢卑。於今祇合同泥炭。緬懷往事不堪言。權筵已罷留永歎。

水災 三十年秋 小溫泉別業

蛟龍起兮水奔流。山崖潮涌如崩丘。忽若醍醐自天降。又如獅吼勝貔貅。女跳足兮男興歎。兒啼無衣母號竄。狀如流民心滋惋。零復零兮夜繼朝。安得廣廈拯塗炭。吁嗟乎寇患未平山洪災。民生何日登彼岸。

卷三

五言律詩十六首

登北碚東山 二十七年秋 北碚山居

策杖登山去。尋琤聽石泉。霏霏微雨後。颺颺夕陽前。病久輕於燕。聞多噤若蟬。如龍長穴處。無酒亦神仙。

夜坐 二十七年秋 北碚山居

卜宅西山趾。聊同枳棘棲。堪稱方丈室。幸免兩兒啼。八月金風冷。三秋夜雨淒。蛩吟增寂寞。況有病荆妻。

陟小相嶺 二十八年春 漢源越溪道中

東倭忘舊德。海上起烽煙。于役叩黎道。同登相嶺巔。羣峯朝足下。旭日接眉前。路側逢

夷獮。油然念古先。

朝發松林

二十八年春 晁寧歸途中

草草勞征旅。輕裝戴月行。晨風來樹杪。旭日照山晴。踏破松林曉。時聞翠鳥鳴。河流衝雪浪。岸積白沙盈。

秋雨草堂僦基

二十八年夏 北碚山居

卜宅幽篁裏。權爲避寇氓。吟詩娛暇日。力學送餘生。聽雨無樓倚。栽花有地耕。臨風時獨唱。亦復好怡情。

靜處

二十八年夏 北碚山居

靜處如馴鹿。呦呦祇自鳴。冲霄漸白鶴。鬥雨羨長鯨。不幸爲鴛鴦。何妨任特牲。郊天稱上供。匡國助修盟。

對鏡見白髭十餘莖有感 二十八年夏 南泉草舍

世道殊今古。人間少瑾瑜。無才稱逸士。有志仰鴻儒。讀律原非計。吟詩欲自娛。持杯澆塊磊。又白幾髭鬚。

自題天上人間錄 二十八年秋 南泉草舍

大道千年晦。陰霾障太空。羣言隨鄙俗。創議怯雷同。偶涉非非想。恆由惛惛衷。春秋悲絕筆。知罪兩懵懵。

黃昏獨步 二十八年冬疊錦格 南泉草舍

踽踽花溪畔。惛惛若有思。泱泱秋水隔。霍霍暮雲馳。叩叩將誰語。招招祇自知。惺惺枝上月。渺渺見何時。

四十八歲初度有感 三十年春 小溫泉花溪別業

每歲逢初度。山妻輒設筵。今年懷往事。此日嘆無鮮。獨處傷隻影。幽居若老禪。呼兒偕
舉箸。籍減綺思牽。

秋姊百日祭將率兒野奠以詩祝之

三十年春 小溫泉別業

百日如流水。湯湯去若舟。無家供祭奠。有子獻山饈。往事何堪憶。前瞻復孰尤。應知追
念切。獨詠寫煩憂。

暮春之望花溪盪舟有作

三十年夏 小溫泉別業

黃昏呼僂侶。泛月弄扁舟。笑語驚沉鯉。清歌狎野鷗。溶溶光正滿。活活水長流。策杖登
岩去。花陰碎影留。

書事

三十年夏 小溫泉別業

放眼皆荊棘。誰能識苦辛。長埋餘萬衆。永痛有斯民。執戟多豺虎。當衢少柏筠。元元羅

浩劫。何日見陽春。

懷秋姊 三十年夏 小溫泉別業

紀念在心頭。尋求遍十洲。煙波藏勝境。島嶼列浮鷗。未見姑射子。同登柳葉舟。仰觀星斗碧。思緒付東流。

無題 三十年秋 白沙旅邸

自識荊州面。平添幾許愁。清談忘倦怠。笑語足溫柔。畫角催人去。漁舟爲客收。綠煙當此夕。不復繫心頭。

爲中秋泛舟而作 三十年秋 白沙旅邸

數載離鄉井。窮荒浪跡遊。中秋同玩月。半夕送閒愁。座上皆文侶。溪頭有釣舟。遙憐遠笛步。往事付東流。

卷四

七言律詩 七首

有贈 二十七年春 彭城旅中

彭城小住竟兼旬。把臂論交似宿因。兩姓從同尤足異。三生未昧更相親。青燈每話還零事。白首猶傷涕淚頻。國是如斯誰共語。漫將心緒付伊人。

自題獨唱集後 二十八年夏 南泉草舍

少小無文慚腐史。推敲愛效故人鐸。三年作宰情嫌俗。十載攻書志未僻。幸息仔肩深獲悔。懶爲白眼好怡神。東塗西抹聊娛己。勉學聖吟敢羨臻。

蜉蝣 二十八年夏 南泉草舍

滄桑幾變雲煙疾。日暮林深宿鳥投。旅客驚心思遠逝。鰥生卷舌欲潛修。挫他抱負埋黃土。任爾功名付白鷗。葉落花飛皆是幻。早將性命等蜉蝣。

山溪對月 二十八年秋 南泉草舍

三更纔罷涼初透。靜對蟾華未忍眠。竹影參差成碎錦。蟲聲斷續似調絃。微風欲把煩襟灑。夏景應推夜色妍。最是傷情人獨立。雙星渡過白雲邊。

亡室月秋周年奠於墓上 二十年多 北碚旅中

花開花落春常在。人死人存雨不知。此日夢前空奠酒。今朝墓側忍歌詩。傷心折翼天難補。矢志從君會有期。我本瀕情多恨事。周年况值歲寒時。

四十九歲初度有感 三十一年春 小涇泉寓廬

秋月春花閒放過。韶光一去逝如離。明年此日稱知命。綠水青山豈故枝。建樹應漸循吏傳。詩文有愧昔賢辭。追懷往事徒增喟。獨立蒼茫數柳絲。

五十初度 三十二年春 小溫泉寓廬

三十年來萬里遊。拋殘書卷恥封侯。桑田幾見成滄海。黑髮於今竟白頭。把酒問天情脈脈。拔刀斷石意悠悠。春光無限人垂老。徒倚花溪羨小瀛。

卷五

五言絕詩十五首

過麴子崗 二十八年春 雅安蒙經道中

石隙噴銀浪。峯間吐白雲。山花迎客笑。細雨解人醺。

初夏夜中不寐偶起口占二十字 二十八年夏 南泉草舍

夜色涼如水。蟲聲繞樹鳴。茅簷殘雨滴。恍似早秋生。

夢二首 二十八年秋

世不分夢慧。咸爲夢裏人。遽然稱大覺。儼已絕凡塵。
栩栩莊生夢。誰能識幻真。因緣隨世變。物外一閒身。

連宵風雨春意闌。珊瑚口占一截句。二十九年春 小溫泉花溪別業

昨夜聽春雨。今朝泣落紅。人間多少恨。恰似水長東。

紅豆 二十九年秋 曲江旅中

兩粵多紅豆。三年實滿枝。相思何所寄。可惜此來遲。

壽曙萍兄 二十九年秋 小溫泉花溪別業

詩詩對黃花。煮酒燒紅葉。祝壽舉玉杯。又值登高節。

獨飲 三十年春 小溫泉花溪別業

訪花花不語。問燕燕無聲。冷月遙相慰。淒然獨舉觥。

幽棲 三十年春 小溫泉花溪別業

幽棲憐隻影。久坐怯輕寒。惻惻誰爲語。淒淒鼻自酸。

擬古四首 三十年春 小淵泉別業

翩翩舊時燕。雙棲在畫梁。朝來成隻翼。悲鳴欲斷腸。
牀前照皎月。憂思未能忘。沈吟爲君故。解之唯杜康。
竹西有嬌女。顏色若海棠。思投瓊瑤贈。深慚鬢已霜。
午夜披衣起。翹首臨蒼茫。湯湯溪聲急。欲涉長牽裳。

有感 三十一年春 小淵泉寓廬

太液池邊柳。未央殿外花。年年作春色。不識屬誰家。

感懷 三十一年秋 小淵泉寓廬

獨坐無人語。持杯意愴然。傷心多少事。展轉未成眠。

卷六

七言絕詩 四十首

懷鄉 二十七年春 彭城旅中

聞來無事剝菱柑。欲贈伊人道未諳。自笑多情嫌滯永。樓頭臨闕望江南。

溯洄 二十七年秋 北碚山居

白露凝爲草上霜。飛葭搖曳色蒼蒼。伊人宛在淩秋水。願假襄公一葦航。

斧柯 二十七年秋 北碚山居

漫步登山發浩歌。繁枝礙路意如何。揮戈竊抱凌雲志。撫手長思借斧柯。

月夜聽泉 二十八年春 登相營旅邸

最是關情月又鉤。丰儀半露柳梢頭。流泉不管人間恨。滯夜潺潺獨自流。

山中 二十八年春 越嶠道中

春風拂面意融融。滿樹桃花照眼紅。絕似江南三月暮。蠻荒不與玉京同。

月夜花灘溪泛舟三首 二十八年夏 南泉草舍

卅載江湖知世味。朱顏漸逝白侵鬚。情懷幸未更疇昔。月冷猶登獨夜舟。
四濺飛泉噴白雪。從容一葉任浮游。盈溪月魄潭偏朗。綠樹婆娑景愈幽。
夜色蒼茫蛙鼓急。溪聲活活足勾留。金甌設果真無缺。願了殘生伴野鷗。

無題 二十八年夏 南泉草舍

江流萬里起泓均。燕假枝棲幸勿嘲。不識烏衣門巷路。如何尋得舊年巢。

國難兩周年 二十八年夏 南泉草舍

寇患於今兩易秋。家亡國破復何尤。同仇未見同舟濟。舉目蒼涼一片愁。

休沐日聞瑩兒回碕悵然思歸賦四絕句 二十八年秋 南泉草舍

萍寄南泉少與偕。聞兒返宅動歸懷。何堪休沐人咸退。靜對孤墳坐小齋。
欲藉清遊破寂寥。沿溪且看女兒腰。鴛鴦似有騷人意。惹得腸迴悔買舟。
踽踽橋邊待日斜。花溪俯視水浸霞。遙思母子樓頭立。目對南天送晚鴉。
悔博微名作遠遊。依人乞脯實含羞。無端自惹蛛絲縛。一片秋心逐水流。

春夜聽雨 二十九年春 小溫泉花溪別業

夜夜臥聽寒雨滴。欲眠仍起對芳罇。枝頭春意消磨盡。燕語猶招樹上魂。

無題 二十九年春 小溫泉花溪別業

燕子不來花已落。三更雨滴月無明。燈殘漏永情何似。漫把餘生比絮萍。

休沐日偶作 三十年春 小溫泉花溪別業

賦詩飲酒徒增唱。笑語聲喧亦惱人。借問此心何所寄。盈盈春水碧如漣。

獨眺 三十年春 小溫泉花溪別業

桃花乍放嬌無比。柳色含煙勝翠簾。小槳清歌時出沒。遙觀也自覺心恬。

幻思 三十年春 小溫泉花溪別業

心頭懷恨有誰知。解慰全憑作幻思。海市蜃樓雖若夢。如逢仙女話瑤池。

感懷五首 三十年春 小溫泉花溪別業

建樹毫無漸老大。成塵往事祇心知。新交舊雨如雲散。剩有枯桐待子期。
爲種嘉禾鋤莠草。終淪世網縛蛛絲。銜開荆棘回康道。未減平生洒落姿。
筆陣蟲傳幾半世。兼曾戎馬度經時。而今博得如霜鬢。自笑當年竟爾癡。
世變時移思用革。鵬飛有志付雞栖。回頭不識前修路。暫就東家借一枝。
寂寞生涯人一個。身如柳絮任何之。偶因遭遇輕風起。落溷攀花未忍思。

唐家沱江干口占書於沙上 三十年夏 唐家沱

心如流水無涯涘。獨立江干又一春。放懷天地知空闊。閱盡滄桑未失真。

雨夜二首 三十年夏 小溫泉花溪別業

天街小雨滑如晶。未減鰕生訪戴情。第恐柴門加鍵早。喧喧又起吠堯聲。
燈前靜坐最傷情。况值鄰家弄玉笙。午夜蛩吟清夢杳。簷前點滴到天明。

荷池賞月 三十年夏 白沙旅邸

沉浮濁世幾經秋。行役天涯歷九州。不意今宵同玩月。荷池小佇奪閒愁。

無題 三十年秋 小溫泉別業

天涯恨事知多少。老盡青絲數不完。整夜無眠懷底箇。行看古井欲翻瀾。

心緒 三十年秋 小溫泉別業

年來心緒隨風湧。夜半無人聽雨聲。客裏生涯渾似夢。鰥魚况味若爲情。

病榻四首 三十年秋 小澗泉別業

蛩螢唧唧鳴階砌。病榻聞之警客心。一葉知秋當雨後。燈前徒自淚酸辛。
追憶往事成陳跡。底處能逢嚙臂盟。顧影徒傷雙鬢白。寒蟬不復再長鳴。
天涯海角常飄泊。瞬息曾經四易秋。在昔浮家吾有侶。而今獨處曷勝愁。
愁懷欲訴從何訴。獨自高歌獨自知。借問溪頭垂柳色。蒼黃已過幾多時。

謝諸友約留中秋前夕泛舟 三十年秋 白沙旅邸

萬里流亡且破家。中年行役走天涯。勝情留玩中秋月。姑卷閒愁共放槎。

江景遙望 三十年秋 白沙旅邸

婆娑綠樹映微波。兩岸繁枝待斧柯。笛韻悠揚清興永。輕舟載得客愁多。

生涯 三十年秋 小澗泉別業

如此生涯甘寂寞。萬方多難見呻吟。幸逢清夜邀明月。偶釋愁懷共素心。

花溪雜詠三首 三十二年春 小溫泉寓廬

巴山景色江南雨。兩地魂消一樣愁。昨夜月明人不寐。遐思猶在古揚州。
手捻桃花吟水際。柳陰徒有羨魚情。茫茫一片煙波色。小鳥低飛未放聲。
歡瀟朝霞紅欲滴。流鶯輕喚兩三聲。低徊最是隋堤柳。別向東風訂石盟。

後記

二十年前于役北平，好爲語體詩以自娛，積久成帙，題曰獨唱，以示不敢求知當世之意。嗣旅宜城，又常以古近體詩及詞破客中岑寂，亦居然各得一冊；詩曰白花集；詞曰聽雨詞，後居成都，亦偶爲之，錄於蓉城集中，今均已毀於倭寇之亂，恐不復留存片紙隻字於人間矣！蓋綠楊城郭淪陷以後，聽雨樓爲寇所拆，諸稿悉存樓中，未嘗攜同流亡，自不敢必其復能倖存也，同時散失者：先人手批書若干卷；自句讀書若干卷；先後購置書籍若干卷；手著經濟思想史稿十萬言，勞動法，中國文學概論各五六萬言；美文譚概，小說，劇本，雜稿若干萬言；志道論文存目一卷，手錄白花亭女弟子詩詞選一卷；凡書籍圖誌詩詞文稿及雜著之屬若干種，悉付麗劫，至可浩歎！當時寄身彭城，彭城以後之作，有彭城草，山居草，西征草，南泉草，花溪草，南遊草，蹢躅草及聽雨山房詞稿，獨唱外集共九

卷，偶過而存之；文詞新詩俱不錄，錄古近體詩百首，仍冠以獨唱，以示永念云。三十二年一月，竭四夕之力錄成，聽雨自識。

中華民國三十六年八月初版

獨唱集

△白報紙本定價 元 角 整

著者 聽雨

發行者 獨立出版社

南京：申家巷二十一號

代表人 盧達曾

印刷者 獨立出版社

經售處

獨立出版社各地分社
全國各大書局

版權所有
不准翻印

14310

立獨